

Կ'ուզէին զնա քարկոծէին՝
Թէ չէր տըվեալ զբաշխիք ժամին,
Իսկ ի վաղեան առաւօտին
Վախաց Նիկիօն ի յիւր սրտին.
Փախուստ արար դէմ ի Լովին.
Կորուստ հնարէր իւրոյ ազգին:
Իբրեւ ամիս ու կէս անցին՝
Գրիգորէն բանադրանք բերին.
Եօթըն թիզ էր թուղթն որ ավին.
Շատ նզովք ու անէծք կայր միջին:
Ժողովուրդն երբ զայն լսեցին՝
Պարոնտիրէն հրաժարեցին.
Յեկեղեցեացն ի բաց կացին,
Բանադրանացն վախեցին:
Գնացեալ յետոյ ասեն նմին,
Թէ, « Եկին քեզ անէծք նզովին.
Գնա օրհնէնքն ա՛ն Գրիգորին,
Որ զքեզ ընդունիմք կրկին.
Ապա թէ ոչ՝ չհնազանդիմք,
Առաջնորդի կարգն զքեզ չունիմք »:
Այս էր պատճառն առաջին
Որ սկիզբն եղեւ ամէն չարին:
Իսկ նա ասէր նմա չար յորով
Եւ զիւսհար զնա կոչելով,
Թուրք թլփատած անուանելով,
Ազգի ազգի հայհոյելով.
« Ես առաջնորդ եմ էմրէրով
Եւ տեղացի, Լեհցի գրով.
Մեղքիսեղեկն եզ զիս ի Լով,
Եւ ես մեծ եմ քան զնա յորով »:
Զբանադրանք նորա չըռնէց.
Զթուղթն ի յանարգ տեղի ձգեց.
Յեկեղեցին համարձակեց.
Առջեւ խորանին աղօթեց:
Քահանայք երբ զայն լսեցին՝
Ժողովրդովք զուրս վազեցին.
Բնաւ այլ ժամըն չըմլտին,
Եւ ոչ զայն համբուրեցին.

Ժամըն մընաց դատարկ ունայն,
Եպիսկոպոսն երգէր միայն.
Եւ իւր օրհնած արեղայքն այն
Սմէն մէկ տեղ մի փախեան:
Նիկօլըն մնաց շիւարած.
Մէկ մարդ մի իւր մօտըն չի գնաց.
Յամէն դիաց տարակուսած,
Մէկ մի իւր հետըն չիխօսաց:
Ապա մարդն յաղանին՝ յըղեաց
Ճամբու խարճլըխնացմէ խնդրեաց.
Երթամ մօտ վարդապետն, ասաց,
Մեղայ ասեմ, ընկնիմ յոտաց:
Աղայք և ժողովուրդ խնդաց.
Տըվին դրամ ըստ իւր կամաց.
Իսկ նա մինչեւ Պուսսա զընաց.
Տէր Գրիգորին ոչ հնազանդեաց:
Եւ անդ յորով չարիս գործեաց,
Եւ ի ճանապարհըն մեղանչեաց.
Եւ զինչ ունէր զամէնըն վատնեաց,
Բազում պարտեօք ի Լովն եկաց:
Սուտ խաբերայ թըղթեր գրեաց
Թէ Գրիգորէն բերի, ասաց.
Եւ ժողովուրդն նմա չաւտաց.
Գիտէին որ չէր ողորդասաց:
Ասեն. « Ատեն մի համբերեմք,
Սորա չարեացըն մենք լըռեմք.
Ապա թէ ընդ նա յիրար ընկնիմք՝
Շատ մեծ աղմուկ մեք անկանիմք »:
Սկսան գնալ յեկեղեցին
Փառաւորել զչայր և զՈրդին,
Խաղաղարար զչողին հայցեն.
Զի խոռվութեան յոյժ պէզրած
[ենն՝ 2:
Այլ յետ բազում ժամանակին
Ի Գրիգորէն թըղթեր բերին,
Կրկին անիծած Նիկօլին,
Որ չի գնաց նա Կեսարին.

1. Թուրք. Պարոնայք ժողովուրդեան: — 2. Թրք. ճանճրացեալ: